



國家清史編纂委員會·文獻叢刊

四編

清代稿鈔本

第二〇〇冊

國家清史編纂委員會·文獻叢刊

四編

清代稿鈔本

第二〇〇冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社

·廣州·

第二〇〇冊

財政叢書

光緒會計錄	三
度支簡錄	九六
理財節錄	一二八
中國新舊債表	一五〇
賠款會議事宜	三五八
賠款畧說	三六六
商約稅則議畧	三七一
歐洲財政史	四〇四
德國稅項節畧	四五九
歐洲各國比較財政及組織	四七五
銀行畧說	五一九
美國開設國家銀行條例	五三四
鑄銅幣問荅	五五七
粵廠制造銀幣記	五六八
鐵路估工法	五七八
淞鎮鐵路估價清單	五八七
中國商務公司草定章程	六〇二
中國商務條陳	六三一

財政叢書

二十一種 三十一卷

昌言報館 編

石印本

廣東省立中山圖書館藏

昌言報館編輯



光緒會計錄

上海會計學社發行

欽命二品頂戴江南分巡蘇松太兵備道袁 為

給示諭禁事據會文學社沈霖稟稱竊露向在英界開設會文學社印售各種有用書籍以備海內採辦茲以近日百度更新各項章程最足以資攷證講求經濟者苦乏專書不無遺憾爰擬編輯叢書一種凡新舊和約各處礦務章程開墾章程鐵路章程官私學堂章程其餘各種政治商務等章程一一擇要選刻以備彙集成書分類印售又以自強莫先於富國富國莫急於理財中國今日上下貧困圖治之道尤以理財為第一義爰擬編輯財政叢書一種凡稅則錢幣等事及一切有關財政各書廣搜博採敬謹選擇彙集成書刊印銷售并

朝廷振興新學必編譯東西有用書籍始足以供多士揣摩坊間翻譯諸書雖已不少第東西書籍浩如烟海有志之士尚嫌不備不精爰擬敬請名儒翻譯東西各種新學書籍刊印銷售竊思書鋪一業翻刻必究今編輯之章程叢書財政叢書二種并編譯新學各書卷帙浩繁資本較重成書尤非易若竟有人翻印希圖漁利何以安商業而保資本且翻印之書每多舛錯尤為貽誤不小容敢稟請存案給發示諭禁止翻印並具切結聲明社中所有新學各書實係自行編譯或延通才編譯並非翻印他人已譯之書如有前項情弊願甘罰辦等情附呈日本帝國近世史普通教育百科全書●日清海陸戰爭史化學探原中學生理書代數備旨下卷等書到道據此除日清海陸戰爭史未便立案外其餘各書合行給示諭禁為此示仰書賈人等一體知悉毋得將該社所出前項書籍翻印漁利致干查究切切特示

光緒貳拾捌年拾貳月廿三日示

序

泰西各國歲出歲入之數年終則布告國中登諸報館故雖五尺之童無不能言國用者中國則不然雖司農大臣老於其任者不能盡知也通才碩學博極古今至問以左藏之所掌則愕眙而不能言蓋官既無成書吏亦無專牘雖欲稽考其道無由余於掌故之學夙所究心甲午之夏重入京師講求中外交涉之故於泰西各國富強之政亦既得聞其凡矣獨於本國度支不能盡悉竊用思焉逢人而詢呼吏而語展轉傳鈔久而大備藏諸篋笥不敢示人蓋當路之所諱也中日和議成後言經法者紛紛

天子亦思奮發自強采其一二既已見諸施行矣然則戶政一端仿行西法使人人盡得而見之亦當務之急也乃敢排比鉤稽表而出之綱目具舉犁然可觀蓋

國家八千餘萬之出入盡在是矣治國聞者可以考焉自

祖

宗咸時歲入不及今日之半然用以削平諸夏鞭撻四夷其時太倉之粟紅朽相仍府庫所藏動逾億萬天下殷富戶有餘藏江淮之間尤為奢汰一宴之費或至千金鹽漕改法黃河北流夷禍萌芽海疆多故增兵轉餉天下騷然大盜乘之毒流海內竭天下之全力僅乃平之而後乃今患貧嗚呼立國以富強為命非富則萬不能強今日事益急矣日本虎踞於東常懷遠交近攻之志俄人狼顧於北時以開疆拓土為心英由緬甸以規滇法由越南以規粵天驕弱矣蒙古不足屏蔽北方外府成矣印度可以直窺西藏屬藩盡失唇亡則齒寒利益均沾此倡則彼和一旦發難何以禦之鐵路未備則脈絡不能自輸兵艦無多則聲勢不能自壯脂膏竭

矣。無可籌之餉。民心動矣。無可用之兵。雖欲割數千里之地。以請和。地有時而盡。賠數百兆之費。以予敵。費有時而窮。此真可為寒心者也。宜自今上下一心。卧薪嘗膽。舉數百年相沿之成法。而盡變之。日中必昃。操刀必割。速變則救天下之全。遲變則救天下之半。若終不變。不思言矣。變之之道如何。請言其目。則曰興學校也。廢科舉也。練陸師也。復海軍也。設銀行也。造金幣也。行郵政也。開礦產也。整頓商務也。講求工藝也。稅則宜加也。電線宜廣也。西北多曠土。則宜牧宜農。東南多沃區。則宜漁宜植。鐵路宜支幹並舉。鐵廠宜官商並行。利權不收。則埃及暹羅之所以削弱也。漏卮不塞。則印度瓜哇之所以滅亡也。凡茲急切之大端。皆為富強之首務。若能本末兼治。次第舉行。則以此言富。雖數倍英俄德美可也。以此言強。雖混一歐美阿漢可也。雖然。徒法不能以自行。要之以得人為本。光緒丙申十月朔日李希聖自序

例言

英法德俄美入款皆在四萬萬圓內外。義大利入款亦近三萬萬圓。日斯巴尼亞為歐洲小國。入款亦一萬六千餘萬圓。中國自道光以後。驟增四千餘萬之入款。人皆以為無復可加。然其實僅過於日本耳。中國土地之廣。埒於俄英。戶口之繁。則佔地球四分之一。利源不開。地力未盡。安所得管叔仲公孫鞅桑宏羊劉晏之徒。相與持籌而算之乎。推行盡利。存乎其人。誰秉國鈞。敢告在門。

商政不修。漏卮日甚。歲輸五千萬於西人。殆同獻納。即以日本言之。二十年以來。漏出之銀。蓋一百四十兆圓矣。二萬萬之兵費。有形之賠也。一百四十兆之商費。無形之賠也。有形之賠。二萬萬而止矣。無形之賠。日復一日。長此安窮。況以機器改造土貨。洋貨概免稅厘。工商之生計。盡亡。國家之入款。驟減。內窮於支應。外困於賠償。哭歎以是分。波瀾以是滅。秦之續也。吳其沼乎。

東南亂後。流亡未遂。田宅邱墟。蕪巢林木。墾荒升科。乃林文忠所謂補苴中之補苴也。河運則歲費不貲。海運則敵以為梗。轉帆遠海。輒粟黃腫。坐食三吳。殆非長策。聞政府欲盡廢運漕。改徵折色。實救時之大計。乃見阻於浮言。況西北古稱陸海。今成石田。禹蹟茫茫。雍田上上。潞水客談高安規畫。彙編具在。待人而行。

整頓錢糧。左文襄創之於湖南。胡文忠仿之於湖北。其後左文襄又行之於浙江。李鴻章仿之於江蘇。近聞李秉衡復仿之於山東。皆為國家增數十萬之入款。為民間省數十萬之出款。利國利民。而不利於中飽。此外惟聞丁文誠裁四川夫馬而已。去年戶部所頒籌餉諸條。亦有整

頓錢漕一節食其利者造為游詞以相撓阻疆吏遂以空文塞責申施名實韓切事情經國大猷盡勿推而廣之

乾隆以後鹽法極弊之時也陶文毅轉移於前曾文正補苴於後故准鹽獨為無弊此外若川滇兩省立法稍詳其餘則運有官商之別粟有大小之分法既兩歧利出二孔談綜覈者宜加意焉太公正鹽筴而諸侯斂衽漢武推鹽鐵而匈奴畏威毋避專利之名請行責實之政

近年以來釐金驟出五六百萬蓋由洋商僅完子稅華商賄買報單惟重慶廣州兩口減抽釐金輕於子稅子口稅單絕無發用此外則利權旁溢流弊滋多故赫德有准華人請領報單之議亦持平之一道也近復以外人製造土貨之故每百金征落地稅五兩盡免釐金然則釐卡所收去其半矣故陳侍御壁盛京卿宣懷皆欲議行印稅以抵釐金法變則通人存斯舉

河工歲修之費為國帑一大漏卮康熙以前沿河州縣撥派民夫乾隆中始全發帑至嘉慶加價遂增至而百萬而河患如故則曰治河無上策豈其然乎若美利堅之治密昔西比河荷蘭之治來因河馬斯河義大利之治波河埃及之治尼勒河土耳其之治多惱河或築橫堤如方罫或用窄隄逼泥沙或築小隄或用旁閘而其要則在濬海口若能參取其法以治中國之河師彼長技實我陳言自張勸果試用挖泥船不效遂謂西法為不可行倍薄增卑犯費讓之下策分流減水守斯輔之謬談必改絃而更張庶一勞而永逸

自日人就款以來國債以增至二百三十一兆六十六萬兩僅以息計已歲需二百三十四萬一千六百三十兩據英本息併計歲需一千二百萬兩上下益以蘆漢鐵路所借及滙豐克薩華商等款數已在三萬萬兩外每年由戶部認還二百萬兩由各省及海關分認一千萬兩無

米之炊斷難持久利源不開我其為葡萄亞之續矣

海關稅款以光緒十七年為最多十八年總徵關平銀二千二百六十八萬九千餘兩已比十七年少八十二萬八千餘兩值百抽五載在約章本乖公法李鴻章持節使俄以加稅為已任然中國日用之物專恃外洋所加之稅仍取償於我之貨價損下益上剝肉補瘡甚無謂焉故他國議加稅足以制外貨之來源中國議加稅適愈削小民之生計有深慮者當自知之通商惠工既強且富而後議焉則操縱由我矣

是編所記洋稅祇據各省總數今將光緒十七年逐關總數列之於下此舉歷年之最多少者以後總數總在二百萬內
外牛莊五十八萬三千三百四十三兩三錢二分七釐天津六十四萬二千八百五十五兩四錢九分七釐之果三十二萬四千一百四十六兩五錢八分四釐重慶九萬九千四百四十三兩五錢五分五釐宜昌十萬三千七百三十三兩五錢八分七釐漢口一百八十二萬五千七百一十一兩二錢六分九釐九江一百十五萬六千三百五十四兩四錢六分三釐蕪湖七十一萬二千三百三十四兩五錢七分六釐鎮江六十萬二千七百八十八兩五錢五分八釐上海六百八十三萬二千八百九十八兩一錢九釐寧波一百二十二萬五千三百六十六兩四錢八分七釐温州三萬一千四百八十八兩八錢七分八釐福州一百六十四萬八千八百九十三兩八錢四分八釐淡水六十三萬八千一百三十五兩四錢一分三釐臺南四十七萬三千四百三十四兩五錢一釐廈門九十九萬一千三百九十五兩四錢一分汕頭一百六十四萬四千五百七十三兩二錢七分三釐廣州二百四十八萬一百五十九兩七錢二分二釐九龍五十九萬七千二十四兩五錢五分一釐拱北四十六萬三千五百三十九兩六錢三分瓊州十

光緒集言

卷一百一十五

三

四

一萬七千五百十六兩四錢二分三釐北海二十六萬九千五百六錢九分四釐龍州一千九百一十一兩七分四釐蒙自六萬九千四百四十六兩六錢二分九釐共計二千三百五十一萬八千二百一十一兩五分九釐今雖失淡水安平兩海關而補以新開之四口必有贏無絀

養兵之數前代惟宋為最多外洋惟俄為最多皆非深算遠慮之道也此外德國養兵五十八萬四千七百三十四人法國養兵五十二萬四千七百六十八人英國養兵八十六萬五千四百二十一一人日斯巴尼亞則僅九萬五千人中國合兵額勇營數逾百萬近雖裁十分之三猶遠在德法之上夫不鍊之兵雖盡裁之可也封常清以白徒敗韓淮陰以市人勝則選將為要矣戚南塘鍊兵不過三千人所向必克則用少為能矣

開源節流之說盡人皆能言之近日之裁額兵及顏料緞疋二庫減放二成此節流之說也而管侍御廷獻欲規復乾隆舊制其勢既萬不能行順治時入款僅一千四百餘萬至乾隆時幾三倍之乾隆之不能復國初猶今日之不能復乾隆也至戶部所議清隱賦覈釐金糖戶鹽斤之加價土貨典當之捐輸行之一年尚無成效國債日增公私掃地救時之計是在開源開源之法則余序中所舉之目備矣

今日言理財者莫不曰仿行西法固也然法待人而行人但知西之有法而不知西之有人請畧舉之歐洲諸國以俄英德奧為最強德有畢士馬克俄有加姬考甫英有的士累利奧有安德拉昔四國之強此數人經營之力為多德尤號為霸國一伐丹麥再圍奧都師丹之役遂虜法王晉為共主如毛奇樂特富列打力查魯士郡王皆得人之最著者法為普蹶幾不振矣得麥馬韓替矮士甘卜大相繼柄政收復瘡痍復為強國十餘年後遂能用師數萬里之外據有

越南義大利瓜分於法。奧得賢相如加弗耳名將如喀拉擺滿提噓已燼之燭。卒復全國。列為上邦。土耳其有一麥德哈德而不能用。故其國四分五裂。幾於滅亡。由是觀之。得人則富強。失人則貧弱。無古今中外一也。

是編成於乙未。刊於丙申。總數分數皆以光緒十九年為据。李趙公上元和會計之書。蘇文定序元祐會計之錄。雖慚曩哲。亦代鈔胥。至於例言之作。稍涉駢枝。乃援溺之苦衷。非著書之常例。大雅宏遠。庶見亮焉。

光緒會計錄

刑部主事 臣 李希聖 纂

收支總數

實收常例新增及無關歲額等項共銀八千三百一十一萬八兩

實支常例新增補支豫支等項共銀七千三百四十三萬三千三百二十九兩零

收支兩抵實存銀九百六十七萬六千六百七十九兩零

銀收

各直省地丁收款較十八年少收銀十萬四千三百五十兩零

實共收銀二千三百三十二萬九千五百三十三兩九錢四分七釐零

各直省雜賦收款較十八年少收銀七萬七千五百五十八兩零

實共收銀一百七十三萬二千三百一十八兩七錢二分八釐零 又金二十四兩

各直省租息收款較十八年少收銀十一萬一千一百一十六兩零

實共收銀七十二萬一千五百三十三兩七錢五分二釐零

各直省糧折收款較十八年多收銀二十四萬七千二百二十六兩零

實共收銀四百四十四萬七千七百六十三兩六錢七分七釐零

各直省耗羨收款較十八年多收銀四萬一千八百一十三兩零

實共收銀三百三萬六千七百三十五兩九錢二釐零

各直省鹽課收款較十八年多收銀二十七萬六千四百八十八兩零

實共收銀七百六十七萬九千八百二十八兩九錢九分五釐零

各直省常稅收欸較十八年多收銀三十萬九千五百五十五兩零

實共收銀二百八十四萬四千三百六十四兩八錢二分九釐零

以上常例征收七項

各直省釐金收欸較十八年少收銀一百三萬八千三百三十九兩零

實共收銀一千四百二十七萬七千三百四兩二錢三分零

各直省洋稅收欸較十八年少收銀八十二萬一千六百七十九兩零

實共收銀一千六百八十萬一千一百七十九兩七錢四分二釐零

以上新增征收二項

各直省繳捐收欸較十八年多收銀一百三十九萬六千三百十六兩零

實共收銀四百九萬一百七十一兩四分一釐零

各直省續完收欸較十八年少收銀四十五萬六千六百三十三兩零

實共收銀二百九萬三千九百九十二兩五錢一分零

各直省節扣收欸較十八年多收銀八萬九千七百七十三兩零

實共收銀二百五萬五千三百一兩四錢二分二釐零

以上無關歲額征收三項

總計各項征收共銀八千三百一十一萬八兩七錢七分九釐零較十八年少收銀二十五萬四千四百三十五兩零

銀支

陵寢供應各款

較十八年多支銀一萬四千一百一兩零

實共支銀九萬二千二百十九兩三錢五分一釐零

交進銀兩支款

實共支銀二十八萬兩

每年二月十萬端節五萬中秋五萬年節八萬兩

各直省祭祀支款

較十八年少支銀十四萬八千六百五十九兩零

實共支銀二十五萬五千一百十二兩六錢八分七釐零

各直省議憲支款

較十八年少支銀一萬六千九百六十一兩零

實共支銀四萬五千六十九兩四錢八分八釐零

各直省俸食支款

較十八年少支銀六千三百二兩零

實共支銀三百八十四萬五千一百十六兩七釐零

各直省科場支款

較十八年多支銀五萬八千七百四十四兩零

實共支銀十一萬三千八百五十二兩三錢一分二釐零

各直省餉乾支款

較十八年少支銀一百二十六萬一千八百九兩零

實共支銀一千八百四十九萬五千二百六十九兩八錢五分八釐零

各直省驛站支款

較十八年多支銀一萬一千五百十四兩零

實共支銀一百八十三萬九百五十八兩八錢九分四釐零

各直省廩膳支款

較十八年少支銀二千九百五十一兩零

實共支銀十一萬七千一百十三兩六錢一分七釐零